



Biblia para kadagiti Ubbing
iparangna

Idi Pinarsua ti
Dios Dagiti Amin
a Banag



Sinurat ni: Edward Hughes

Inladawan ni: Byron Unger; Lazarus
Alastair Paterson

Inadaptar ni: Bob Davies; Tammy S.

Inpatarus ni: Christian Lingua

Inwarnak ti: Bible for Children
www.M1914.org

©2020 Bible for Children, Inc.

Lisensia: Adda karbengam a magkopia wenno mangiprinta iti
daytoy nga istoria basta saan mo nga ilako daytoy.




Sino ti nangparsua kadatayo? Ibaga ti Biblia,
Sao ti Dios, nu kasano a nangrugi ti sangkataoan.
Nabayagen ti napalabas, pinarsua ti Dios ti kaunaan
a tao ken pinanagananna daytoy iti Adan.



Inaramid ti Dios ni Adan manipud iti tapuk
ti daga. Idi ti biag ket inyanges ti Dios ken ni
Adan, naaddaan daytoy iti biag. Nasarakanna nga
adda isuna iti maysa a napintas nga
hardin a maaw-awagan iti Eden.



Sakbay a pinarsua ti Dios ni Adan, nangaramid Isuna
iti napintas a lubong a napno kadagiti napipintas a
banag.




Saggaysa ang inaramid ti Dios dagiti katurturodan
ken karuruotan, dagiti nabanglo a sabsabong ken
dadakkel a kayo, dagiti nararaniag ti dutdotna a
bilbillit ken dagiti ayukan, dagiti dadakkel a pating
ken nagagalis a biruruko. Kinapudnona,

inaramid ti Dios dagiti amin
nga adda - amin a
bambanag.




Idi punganay, sakbay a
nagaramid ti Dios iti animan
a banag, awan ti aniaman
malaksid ti Dios. Awan
tattao wenno luglugar
wenno bambanag.
Awan. Awan ti
lawag ken sipnget.
Awan ti nangato
ken nababa. Awan
to kalman ken kabigatan.
Ti Dios laeng nga awan
rugina ti adda idi. Idi
kuan nagtignay ti Dios!




Idi punganay ti Dios pinarsuana
dagiti langlangit ken ti daga.




Ket ti daga adda idi a
gosogoso ken awan
nagyan. Ket ti
sipnget adda idi
iti rabaw ti
yuyeng. Ket
nagsao ti
Dios
"Adda
koma
lawag."



Ket nagadda ti lawag. Ket ninagan ti Dios ti
lawag nga Aldaw, ket ti sipnget ninagananna iti
Rabii. Ket limmabas ti malem ken ti bigat,
ti umuna nga aldaw.



Iti maikadua nga aldaw, inurnos ti Dios dagiti dandanum dagiti taaw, baybay ken danaw iti sirok ti Langit. Iti maikatlo nga aldaw, kinuna ti Dios, "Agparang koma ti namaga a daga." Ket napasamak daytoy.



Inbilin met ti Dios nga agtubo dagiti ruot ken
sabong dagiti babassit ken dadakkel a
kaykayo. Ket immadda dagitoy.
Ket limmabas ti malem
ken ti bigat, ti
maikatlo nga aldaw.



Kalpasanna inaramid ti Dios ti
init, ti bulan ken dagiti adu a
bituen nga awan ti makabilang.
Ket limmabas ti malem ken ti
bigat, ti maikapap nga aldaw.




Dagiti parsua iti
baybay ken dagiti
ikan ken bilbillit ti
simmaruno iti listaan
ti Dios. Idi maikalima
nga aldaw inaramidna
dagiti dadakkel ken
babassit nga ikan,
dagiti atiddug ti
sakana nga ostrich
ken napipintas ti
unina nga billit.



Binendisionan ti Dios
dagiti tunggal kita ti
ikan tapno punoenda
dagiti dandanum ti
daga ken dagiti
tunggal kita ti billit
tapno ragsakenda ti
daga ken baybay ken
tangatang. Ket
limmabas ti malem
ken ti bigat, ti
maikalima nga aldaw.




Kalpasanna, nagsao manen ti Dios. Kinunana,
"Patauden koma ti daga dagiti sibibiag a parsua ..."
Napaadda dagiti tunggal kita ti animal ken insekto
ken reptilia. Napaadda dagiti makagunggon iti daga
nga elepante ken dagiti nagaget a babera. Dagiti
managay-ayam nga unggoy ken nainayad a buaya.
Dagiti naalikuteg nga igges ken dagiti kuneho.
Dagiti natatayag nga dyirapi ken nabarbon a pusa.
Inaramid ti Dios dagiti amin a kita ti animal iti dayta
nga aldaw.




Ket limmabas ti malem ken ti bigat,
ti maikanem nga aldaw.



Adda inaramid pay ti Dios iti maikanem
nga aldaw - maysa a naidumduma a banag.
Nakasaganaan amin a bambanag para iti tao. Addan
taraon kadagiti kataltalonan
ken animal nga agserbi
kenkuana.



Ket kinuna ti Dios, "Aramidentayo ti tao
A kaladawantayo. Agbalin isuna a mangituray
kadagiti amin a banag iti daga." ISU A PINARSUA
TI DIOS TI TAO A
KALADAWANNA;
ITI LADAWAN TI
DIOS PINARSUANA
ISUNA ...



Nagsao ti Dios ken
ni Adan. "Kanem ti
kayatmo manipud iti
minuyungan. Ngem
saanka a mangan
manipud iti kayo ti
pannakaammo iti
naimbag ken dakes.
Nu manganka manipud
iti dayta a kayo awan
duadua a mataykanto."



Ket kinuna ti APO a Dios, "Saan a nasayaat nga agmaymaysa ti tao. Agaramidak iti katulonganna."

Inyeg ti Dios dagiti amin a billit ken animal ken ni Adan. Pinanaganaan ni Adan amin dagitoy. Awan duadua a nasirib isuna ta naaramidna daytoy. Ngem kadagiti amin nga billit ken animal awan ti tumutop a maipares para ken ni Adan.



Pinaturog ti Dios ni Adan iti nauneg. Inikkatna
ti maysa a paragpag manipud iti nakaturog a tao,
ket binukel ti Dios ti Babai manipud iti paragpag ni
Adan. Naan-anay ti babai
nga inaramid ti Dios kas
katulongan para
ken ni Adan.



Inaramid amin ti Dios iti las-ud ti innem nga
aldaw. Kalpasanna binendisionan ti Dios ti
maikapito nga aldaw ken inaramidna daytoy
kas aldaw ti panaginana. Idiay minuyongan
ti Eden, addaan iti naan-anay a kinarag-o
ni Adan ken ni Eba nga asawana iti
panagtulnogda iti Dios. Ti Dios ti
APO, Tagaipaayda ken
Gayyemda.



Idi Pinarsua ti Dios Dagiti Amin a Banag
Ti istoria manipud iti Sao ti Dios, ti Biblia
ket masarakan iti

Genesis 1 - 2

"Mangted iti lawag ti iseserrek ti saom."
Salmo 119:130



Nalpasen



Isuro daytoy nga istoria ti Biblia ti
maipapan iti nakaskasdaaw a Dios a nangparsua
kadatayo ken addaan tarigagay a maam-ammotayo Isuna.

Ammo ti Dios a nakaaramidtayo kadagiti dakes a bambanag,
nga aw-awaganna iti basol. Ti dusa ti basol ket patay, ngem
ay-ayatennaka unay ti Dios ta imbaonna ti bugbugtong nga Anakna
a ni Jesus, tapno matay idia krus ken madusa para kadagiti basolmo.
Kalpasanna nagungar ni Jesus ken nagsubli idia Langit! Nu mamatika
kenni Jesus ken dawatem Kenkuana a pakawanenna dagiti basolmo,
aramidenna daytoy! Umay Isuna ken agnaed kenka ita,
ket agbiagka a kadwam Isuna iti agnanayon.

Nu mamatika a daytoy ti kinapudno, ibagam daytoy iti Dios:
Apo Jesus, mamatiak a Dioska, ket nagbalinka a tao tapno matay para
kadagiti basolko, ket sibibiagka manen ita. Umayka kadi ditoy biagko
ken pakawanem dagiti basolko, tapno maaddaanak iti baro a biag, ken
maysa nga aldaw ket umayakto iti dennam iti agnanayon. Tulungannak
nga agtulnog Kenka ken agbiag para Kenka kas anakmo. Amen.

Basaem ti Biblia ken makisaritaka iti Dios iti
tunggal aldaw! Juan 3:16

